

**ODLUKU****O USLOVIMA I POSTUPKU DODJELE FINANSIJSKIH  
SREDSTAVA IZ BUDŽETA OPĆINE STARI GRAD  
SARAJEVO VJERSKIM ZAJEDNICAMA U BOSNI I  
HERCEGOVINI****I - OPĆE ODREDBE****Član 1.**

(Predmet Odluke)

Ovom Odlukom utvrđuju se uslovi i postupak dodjele finansijskih sredstava iz Budžeta Općine Stari Grad Sarajevo vjerskim zajednicama za aktivnosti i projekte rekonstrukcije, sanacije ili konzervacije objekata od kulturno-historijskog ili vjerskog značaja.

**II - JAVNI POZIV ZA DODJELU FINANSIJSKIH  
SREDSTAVA VJERSKIM ZAJEDNICAMA****Član 2.**

(Javni poziv)

- (1) Finansijska sredstva iz Budžeta Općine Stari Grad Sarajevo dodjeljuju se vjerskim zajednicama isključivo putem Javnog poziva, koji raspisuje Općinski načelnik nakon usvajanja Budžeta za tekuću godinu i donošenja Odluke o raspisivanju Javnog poziva.
- (2) Odlukom iz stava (1) ovog člana se pokreće postupak dodjele sredstava vjerskim zajednicama, kojom se utvrđuje ukupan iznos sredstava planiran u navedenu svrhu za tekuću godinu, te koja sadrži i druge podatke u skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24).
- (3) Javni poziv iz stava (1) ovog člana ostaje otvoren do 15.12. tekuće godine.
- (4) Javni poziv se objavljuje u jednom dnevnom listu ili na web stranici Općine Stari Grad Sarajevo.
- (5) Odluku i javni poziv iz stava (1) ovog člana priprema i dostavlja Općinskom načelniku Stručna služba kabineta Općinskog načelnika.

**Član 3.**

(Sadržaj Javnog poziva)

- (1) Javni poziv obavezno sadrži:
  - Naziv organa koji raspisuje poziv;
  - Naznaku da sve vjerske zajednice mogu aplicirati na javni poziv;
  - Spisak dokumentacije koja se obavezno dostavlja uz prijavu;
  - Aplikaciju za prijavu na javni poziv;
  - Rok za prijavu na javni poziv;
  - Iznos finansijskih sredstava, planiran u Budžetu;
  - Vremenski period za koji se javni poziv raspisuje;
  - Informacije o načinu komunikacije tokom trajanja Javnog poziva (kontakt osoba, kontakt podaci, način zahtjevanja dodatnih informacija i sl);
  - Druge podatke shodno Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24);
- (2) Sastavni dio Javnog poziva je aplikacija za prijavu na isti.

**Član 4.**

(Dokumentacija za prijavu na javni poziv)

Uz popunjenu aplikaciju, koja je sastavni dio Javnog poziva, za prijavu na isti, aplikant je obavezan dostaviti sljedeću dokumentaciju:

- Opis aktivnosti ili projekta rekonstrukcije, sanacije ili konzervacije objekata od kulturno-historijskog ili vjerskog značaja (koji sadrži ciljeve projekta, potrebna sredstva za realizaciju projekta i period trajanja projekta);
- Drugu dokumentaciju traženu javnim pozivom.

**III - KOMISIJA ZA POSTUPANJE PO APLIKACIJAMA  
NA JAVNI POZIV****Član 5.**

(Komisija)

- (1) Općinski načelnik prije raspisivanja Javnog poziva iz člana 2. ove Odluke, imenuje Komisiju za postupanje po aplikacijama na javni poziv za dodjelu finansijskih sredstava iz Budžeta Općine Stari Grad Sarajevo vjerskim zajednicama za aktivnosti i projekte rekonstrukcije, sanacije ili konzervacije objekata od kulturno-historijskog ili vjerskog značaja (u daljem tekstu: Komisija).
- (2) Komisija se imenuje na period od 12 (dvanaest) mjeseci i broji 3 (tri) člana, od kojih je jedan predsjednik Komisije, a čine je državni službenici i namještenici Općine Stari Grad Sarajevo.
- (3) Komisija ima zadatak da svaki mjesec napravi presjek svih pristiglih aplikacija, tako da:
  - Pregleda sve aplikacije sa dostavljenom dokumentacijom i opisom aktivnosti ili projekta;
  - Stručnoj službi kabineta Općinskog načelnika dostavlja informaciju o aplikacijama uz koje nije dostavljena obavezna dokumentacija iz člana 4. ove Odluke, te odbacuje kao da nisu ni podnesene, a o čemu aplikanta pismenim putem obavještava Stručna služba kabineta Općinskog načelnika;
  - Aplikacije koje ispunjavaju opće i posebne kriterije utvrđene ovom Odlukom dostavlja Općinskom načelniku na dalje postupanje uz preporuku da li da odobri dodjeljivanje sredstava za predmetni projekat ili aktivnost, uz prijedlog iznosa sredstava koja su opravdana za dodjelu shodno ukupnom broju bodova, te traženim sredstvima, a u skladu sa sredstvima koja su predviđena javnim pozivom.
- (4) Prilikom sačinjavanja preporuke, Komisija će obavezno uzeti u obzir, te bodovati sljedeće elemente bodovima od 1 do 5, koje će dodatno razraditi obrascem za bodovanje, shodno Smjernicama o minimalnim standardima dodjele proračunskih sredstava putem transfera i subvencija u Federaciji Bosne i Hercegovine ("Službene novine Federacije BiH", broj 37/24), a što Komisija utvrđuje posebnim Uputstvom:
  - kvalitet prijave;
  - dosadašnje iskustvo podnosioca prijave u provođenju aktivnosti za koje podnosi prijavu na javni poziv;
  - procenat vlastitog učešća u realizaciji aktivnosti čije se finansiranje traži putem javnog poziva;
  - kvalitet planiranih aktivnosti i metode provođenja.
- (5) Svaki član Komisije boduje kriterije iz stava (4) ovog člana, te zbir bodova svih članova Komisije predstavlja



ostvarene bodove aplikanta, dok je aplikant obavezan ostvariti najmanje 60% od ukupnog broja bodova kako bi preporuka iz stava (4) bila pozitivna.

#### IV - ODLUKA O DODJELI FINANSIJSKIH SREDSTAVA

##### Član 6.

(Odluka o dodjeli finansijskih sredstava)

Općinski načelnik na osnovu preporuke Komisije iz člana 5. ove Odluke donosi odluku kojom odobrava dodjelu finansijskih sredstava vjerskim zajednicama za aktivnosti i projekte rekonstrukcije, sanacije ili konzervacije objekata od kulturno-historijskog ili vjerskog značaja.

##### Član 7.

(Ugovor sa korisnicima finansijskih sredstava)

- (1) Općinski načelnik po osnovu Odluke iz člana 6. ove Odluke, zaključuje ugovor o dodjeli finansijskih sredstava vjerskim zajednicama za aktivnosti i projekte rekonstrukcije, sanacije ili konzervacije objekata od kulturno-historijskog ili vjerskog značaja.
- (2) Za dodijeljena sredstva po osnovu ugovora iz stava (1) ovog člana obavezno je pravdanje najkasnije u roku od 6 (šest) mjeseci od dana potpisivanja istog.
- (3) Ukoliko se ne opravdaju sredstva na način da su ista utrošena u svrhu za koju je zaključen ugovor iz stava (1) ovog člana, podnosilac zahtjeva je obavezan finansijska sredstva vratiti u roku 30 (trideset) dana, u protivnom će se pokrenuti postupak pred nadležnim sudom putem Pravobranilaštva Općine Stari Grad Sarajevo, a isti neće imati pravo na dodjelu sredstava iz Budžeta Općine narednih 5 (pet) godina.
- (4) Ugovor iz stava (1) ovog člana priprema Stručna služba kabineta Općinskog načelnika Općine Stari Grad Sarajevo.

#### V - PRAĆENJE REALIZACIJE UTROŠKA SREDSTAVA

##### Član 8.

(Praćenje dodijeljenih finansijskih sredstava)

- (1) Općinski načelnik posebnim rješenjem formira Komisiju za praćenje realizacije i utroška dodijeljenih sredstava za tekuću godinu po osnovu svih javnih poziva po kojima se dodjeljuju sredstva iz Budžeta Općine Stari Grad Sarajevo, a koja prati i utrošak i pravdanje finansijskih sredstava dodijeljenih vjerskim zajednicama za aktivnosti i projekte rekonstrukcije, sanacije ili konzervacije objekata od kulturno-historijskog ili vjerskog značaja.
- (2) Komisija iz stava (1) ovog člana dostavlja izvještaj Općinskom načelniku svakih 6 (šest) mjeseci o praćenju pravljanja finansijskih sredstava dodijeljenih vjerskim zajednicama za aktivnosti i projekte rekonstrukcije, sanacije ili konzervacije objekata od kulturno-historijskog ili vjerskog značaja.
- (3) Komisija iz stava (1) ovog člana dostavlja izvještaj Općinskom vijeću u januaru za prethodnu godinu, u kojem će biti detaljno navedeni rezultati praćenja pravljanja finansijskih sredstava dodijeljenih vjerskim zajednicama za aktivnosti i projekte rekonstrukcije, sanacije ili konzervacije objekata od kulturno-historijskog ili vjerskog značaja.

#### VI - PRELAZNE I ZAVRŠNE ODREDBE

##### Član 9.

(Stupanje na snagu Odluke)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-84/25  
Januara 2025. godine  
Sarajevo

Predsjedavajući  
Općinskog vijeća  
Stari Grad Sarajevo  
Seid Škaljić, s. r.

Na osnovu člana 13., a u vezi sa članom 15. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06, 51/09) i 26. Statuta Općine Stari Grad Sarajevo ("Službene novine Kantona Sarajevo", broj 20/24), na 3. redovnoj sjednici održanoj dana 30.01.2025. godine, Općinsko vijeće Stari Grad Sarajevo donosi

#### ODLUKU

#### O USVAJANJU IZVJEŠTAJA O OSTVARIVANJU POLITIKE, AKTIVNOSTIMA I RADU OPĆINE STARI GRAD SARAJEVO ZA 2024. GODINU

##### Član 1.

Ovom Odlukom usvaja se Izvještaj o ostvarivanju politike, aktivnostima i radu Općine Stari Grad Sarajevo za 2024. godinu.

##### Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-85/25  
Januara, 2025. godine  
Sarajevo

Predsjedavajući  
Općinskog vijeća  
Stari Grad Sarajevo  
Seid Škaljić, s. r.

Na osnovu člana 7. sav 3. i člana 13.a. stav 1. Zakona o investiranju javnih sredstava ("Službene novine Federacije BiH", broj 77/04 i 48/08), člana 26. Statuta Općine Stari Grad Sarajevo ("Službene novine Kantona Sarajevo", broj 20/24) i člana 2. Pravilnika o investiranju javnih sredstava Općine Stari Grad Sarajevo ("Službene novine Kantona Sarajevo", broj 37/13), Općinsko vijeće Stari Grad Sarajevo, na 3. redovnoj sjednici održanoj dana 30. januara 2025. godine, donijelo je

#### ODLUKU

#### O IMENOVANJU INVESTICIONOG MENADŽERA OPĆINE STARI GRAD SARAJEVO ZA 2025. GODINU

##### Član 1.

IRFAN ČENGIĆ, Općinski načelnik Općine Stari Grad Sarajevo, imenuje se za investicionog menadžera Općine Stari Grad Sarajevo za 2025. godinu.

##### Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-45-90/25  
Januara, 2025. godine  
Sarajevo

Predsjedavajući  
Općinskog vijeća  
Stari Grad Sarajevo  
Seid Škaljić, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", broj 49/06 i 51/09), člana 26. Statuta